



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 3. S. Leonis Epistola ad Leonem Imperatorem, & alia in Causa Timothei.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.
A.C. 457.

pam, Anatolium Constantinopolitanum, Basilium Antiochenum, nam Maximus e vivis excefferat, & cunctos Episcopos Catholicos anathematizavit. Sacris Diptycis, Proterii Nomine deleto, suum, & Dioscori nomen inseruit. Proterii propinquos persecutus, ejusdem Patrimonium diripuit. Ex quatuor aut quinque Sectæ suæ Episcopis, aliquos apud se retinebat, alios in Ægypti Civitates mittebat, qui Episcopos Catholicos, eorumque Clericos vexarent. Senibus, quos Theophilus, & S. Cyrillus ordinaverant, ejectis, Hæreticos ordinari jubebat. Cathedras Pontificales, in quibus Proterius federat, confringi, & flammis tradi, atque Altaria, in Ecclesiis erecta, & consecrata, aqua marina lavari jussit. Monasteria Virorum, Virginumque, immixtis suæ factionis Clericis perturbabat. Communionem Episcoporum, aut Clericorum Catholicorum recipi, aut ipsos omnino pro Clericis haberi vetuit; hinc illi fugere, & latere cogebantur.

§. III.

S. Leonis Epistola ad Leonem Imp. & alice in Causa Timothei.

Ep. S. Leon.
118.

Ubi facinoris horrendi fama Constantinopolim pervenit, Anatolius sine mora, quæ compererat, ad S. Leonem perscripsit, & præterea, Hæreticos aliud Con-

Concilium ferociter postulare, in quo Sæculum V.
A.C. 457.
Calcedonensis Decreta abrogarentur;

Imperatorem quidem ex mentis propriæ motu insolens petatum rejecisse, nihilominus e re fore, si Papa ad eum scriberet, mentem bonam confirmaret, rogaretque, ut tantis malis remedium ferret.

Ergo S. Leo Papa ad Leonem Imperatorem, cui jam prius felix Imperii Auspicium per litteras precatus fuerat, alteram dedit Epistolam, in qua hortatur, ut Auctoritati inconcussæ Concilii Calcedonensis constanter inhæreret, & Pacem Ecclesiæ Alexandrinæ redderet, quod tunc sperandum, si Episcopum a Catholicis ordinari præciperet. Hæc epistola nona Junii, Constantino, & Rufo Consulibus, id est, anno 457. data.

Ep. 115.
al. 73.

Partium quoque suarum esse S. Leo credidit, majorum Cathedralium Episcopos excitare, ut consensu unanimi Bonam Causam sustentarent. In hunc finem ad Basilium Antiochenum epistolam dedit, cujus istud est initium: *Decuisset, ut Ordinationem tuam secundum consuetudinem Ecclesiæ, (*) vel tu, vel Fratres Nostri,*

Ep. 118.

(*) Ex his habemus, S. Leonis ætate Consuetudinem Ecclesiæ fuisse, ut non solum Metropolitane Occidentis, sed etiam Patriarchæ in Oriente post Electionem suam per epistolas Communionis a Sede Romana Confirmationem peterent.

Sæculum V. *Nostri, illius Provinciæ Episcopi, ad Nos*
A. C. 457. *perscriberetis; sed causæ sunt, quæ tibi id*
facturo, obstaculo esse potuerunt. Imperator Marcianus Sanctæ memoriæ per suas
epistolas consecrationis tuæ Nos certiores
fecit, & aliunde satis notus es Nobis, ut,
quin dignus sis, dubitare nequeamus.
 Hortatur deinde, ut scelestis Eutychemorum molitionibus obstet, & Auctoritatem Concilii Calcedonensis labefactari nullatenus patiatur. *Qui enim hoc Concilium oppugnant, inquit: Mysterium Incarnationis destructum cupiunt. Nihil mihi persuasum magis, Imperatorem, Patricium, omnesque Magistratus nihil, quod Ecclesiæ nocere possit, Hæreticis concessuros, si populorum Pastoribus animum constare intellexerint.* Mandat Basilio, ut hæc consilia ad omnes Episcopos, nempe suæ Provinciæ, transmittat. Eadem Epistola ad Juvenalem Jerosolymitanum, & Euxitheum Thessalonicensem missa. Data est 23. Aug. 457.

Haud diu post hæc S. Leo, occasionem litteras mittendi nactus, per quemdam, nomine Geroncium, Constantinopolim rediturum, tres prima die Sept. dedit epistolas, unam ad Julianum Coanum, qua mandabat, ut epistolas ad Metropolitanos datas reddi curaret; querebatur etiam, quod aliqui dicerent, epistolam suam ad Flavianum obscuritate laborare, &

& longiore explicatione opus esse. Alteram epistolam dedit ad Aetium Presbyterum, cui dicit, scripsisse se Patricio Aspario, Sporatio, & pluribus aliis; *mitto tibi etiam, inquit, exempla litterarum, quas Episcopi Gallia, & Italia, ad nos scripserunt, ut cognoscatis, quam arcte nos eadem Fides jungat.* Epistola tertia ad Leonem Imperatorem scripta est, ut magis magisque in proposito Concilium Calcedonense protegendi confirmaret. Eadem tempestate in Occidente imperabat Majoranus, Ravennæ, Imperatore Leone confcio, proclamatus.

Sæculum V.
A. C. 457.

Ep. 122. ab.
74.
Marcel. Chr.
Idac.

§. IV.

Episcopi ex Ægypto Constantinopoli.

Inter hæc aliqui Episcopi ex Ægypto, cum Timothei insidias evasissent, Constantinopolim delati, omnia, quæ sibi contigerant, Anatolio Episcopo enarrarunt. Tum Libello omnium Episcoporum Ægypti, & Clericorum Alexandrinorum Nominine Leoni Imperatori tradito, memorabant, ipsum in Imperii sui Auspiciis epistolas ad Episcopos Metropolitans dedisse, Fidei Catholicæ faventes, atque omnium Antecessorum suorum, & speciatim Marciani Imperatoris mandata confirmasse. Deinde referebant intrusum Timotheum, Proterium trucidatum, & Persecutionem, sub qua Catholici gement, & subjungebant

Conc. Calc.
p. 3. c. 22.